

Na osnovu člana 139. a u skladu sa čl. 87. i 106. Zakona o autorskom pravu i srodnim pravima u Bosni i Hercegovini ("Službeni glasnik BiH", broj 7/02), direktor Instituta za standarde, mjeriteljstvo i intelektualno vlasništvo Bosne i Hercegovine, donosi

PRAVILNIK

O STRUČNIM KRITERIJIMA ZA OBAVLJANJE DJELATNOSTI OSTVARIVANJA AUTORSKOG PRAVA I SRODNIH PRAVA

Član 1.

Ovim pravilnikom propisuju se stručni kriteriji koje moraju ispunjavati organizacije autora i druga pravna lica specijalizovana za obavljanje djelatnosti ostvarivanja autorskog prava i obavljanje djelatnosti ostvarivanja prava umjetnika izvođača i prava proizvođača fonograma (u daljem tekstu: srodna prava).

Član 2.

Za obavljanje djelatnosti ostvarivanja autorskog prava, odnosno srodnih prava, organizacija autora odnosno specijalizovano pravno lice iz člana 1., mora imati:

- a) stručnu službu u kojoj je osigurano znanje:
 - 1) domaćeg i međunarodnog autorskog prava i srodnih prava,
 - 2) finansijskog prava u vezi sa pravima iz člana 1.,
 - 3) engleskog ili francuskog ili njemačkog jezika,
 - 4) načina ostvarivanja autorskog prava, odnosno srodnih prava.
- b) računovodstvenu službu u kojoj je osigurano znanje:
 - 1) finansijskih propisa, naročito u vezi s pravima iz člana 1.,
 - 2) vođenja knjigovodstva.

Član 3.

Smatra se da su ispunjeni kriteriji iz člana 2. ako organizacija autora odnosno specijalizovano pravno lice ima zaposleno lice koje ispunjava slijedeće uvjete:

- a) završen pravni fakultet i dvije godine radnog iskustva na poslovima ostvarivanja prava iz člana 1.,
- b) znanje engleskog ili francuskog ili njemačkog jezika,
- c) zadovoljava zakonom propisane kriterije za vođenje računovodstva i ima jednu godinu radnog iskustva na poslovima organizovanja i vođenja računovodstva,
- d) jednu godinu radnog iskustva na knjigovodstvenim poslovima.

Član 4.

Stručna sprema i znanje jezika iz člana 3. dokazuju se odgovarajućim ispravama, a radno iskustvo na poslovima ostvarivanja prava iz člana 1. dokumentacijom iz koje je vidljivo gdje je to iskustvo stečeno.

Član 5.

Organizacija autora odnosno specijalizovano pravno lice može pojedine računovodstvene, administrativne, tehničke i poslove automatske obrade podataka povjeriti privrednom društvu ovlaštenom za pružanje tih usluga, čiji radnici zadovoljavaju kriterije propisane ovim pravilnikom.

Petak, 24. maja 2002. S L U @ B E N I G L A S N I K B i H Broj 10 - Strana 267

Član 6.

1. Smatra se da organizacija autora zadovoljava uvjete u pogledu stručne službe, ako određene poslove iz svoje djelatnosti koji se odnose na ostvarivanje prava iz člana 1. obavlja putem stručne službe drugog udruženja, koje ima odobrenje za obavljanje djelatnosti ostvarivanja određenih prava.

2. Sva prava i obaveze između udruženja utvrđuju se ugovorom.

Član 7.

1. Zahtjev za izdavanje odobrenja za obavljanje djelatnosti ostvarivanja autorskog prava, odnosno srodnih prava sadrži:

a) naziv i sjedište organizacije autora odnosno specijalizovanog pravnog lica iz člana 1.,

b) navođenje prava koja namjerava ostvarivati,

c) podatke o zaposlenim licima koja ispunjavaju uvjete iz člana 3.

2. Uz zahtjev iz stava 1. prilažu se:

a) izvod iz registra udruženja odnosno sudskog registra,

b) statut organizacije autora odnosno specijalizovanog pravnog lica,

c) dokazi o stručnoj spremi, znanju jezika i potrebnom stručnom iskustvu za zaposlena lica iz stava 1.c),

d) popis članova čija prava udruženje namjerava ostvarivati.

3. U slučaju iz člana 5. organizacija autora odnosno specijalizovano pravno lice dužno je uz zahtjev za izdavanje odobrenja priložiti ugovor s privrednim društvom i dokaze da privredno društvo zadovoljava kriterijima propisanim ovim pravilnikom za obavljanje poslova koji su mu ugovorom povjereni.

4. Udruženje koje određene poslove iz svoje djelatnosti namjerava ostvarivati prema odredbi člana 6. dužno je uz zahtjev iz stava 1. priložiti ugovor sa udruženjem koje ima odobrenje za obavljanje djelatnosti ostvarivanja određenih prava.

Član 8.

1. Udru`enja odnosno specijalizovana pravna lica koje obavljaju djelatnost ostvarivanja autorskog prava odnosno srodnih prava du`na su, u roku od {est mjeseci od dana stupanja na snagu ovoga pravilnika, podnijeti Institutu za standarde, mjeriteljstvo i intelektualno vlasni{tvo Bosne i Hercegovine, zahtjev za izdavanje odobrenja u skladu s odredbama ~lana 7.
2. Ako udru`enje odnosno specijalizovano pravno lice ne podnese zahtjev u roku iz stava 1. smatrat }e se da ne udovoljava kriterijima propisanim ovim pravilnikom.

^lan 9.

Ovaj pravilnik stupa na snagu osmog dana od dana objavljivanja u "Slu`benom glasniku BiH", a objavit }e se i u slu`benim glasilima entiteta i Br~ko Distrikta Bosne i Hercegovine.

Broj IP. 4796/02-01S@
6. maja 2002. godine
Sarajevo